

中興禮書

中興禮書第二百三十七卷

凶禮二

永祐陵

停祭

紹興七年正月二十五日禮部太常寺言今來聞喪恤禮自發哀至祔廟停宗廟祭饗并中小祠及禁樂詔依正月二十九日龍圖天章閣奏勘本閣內中神御殿每遇旦望節序后生辰酌獻祇備駕詣行香關會到太常寺稱禮典故事內止該載停宗廟祭饗并中小祠及禁樂詔依祀即不該載本閣神御酌獻禮數本閣合于人正月二十九日龍圖天章閣奏勘本閣內中神御殿每狀昨昭慈聖獻皇后本閣神御殿依舊酌獻詔候過大

祥依舊酌獻

二月一日禮部太常寺言檢會國朝會要乾興元年三月十二日元德皇后忌十五日明德皇后忌禮官言二忌在真宗易月禪制之內其進名行香望權停從之今來二月九日昭懷皇后忌十六日欽成皇后忌十九日真宗皇帝忌除依巡幸禮例不奉慰外其行香緣皆在道君皇帝寧德皇后易月禪制之內望依故事權停詔依

二月十日行宮太常寺言已降指揮自發哀至祔廟停宗廟祭饗并中小祠契勘仲春薦獻諸陵并昭慈聖獻皇后橫宮及以後祭祀天地諸大祠於前項指揮別無該載及合依舊舉行緣今來係在未釋服之內今檢會

永定陵故事乾興元年十二月二十日禮儀院言準禮例未除服前祭告祀祠行事官權改吉服禮畢仍舊今欲上件故事施行內祀祭天地及諸大祠亦乞依時日排辦詔依

二月十四日龍圖天章等閤言契勘內中祖宗神御殿每遇旦望節序帝后生辰酌獻已奉聖旨候過大祥依舊尋會到太常寺稱若以日易月即大祥係二月十九日實數係紹興年正月二十五日詔自二月十九日已後依舊酌獻

### 禁樂

紹興七年正月二十九日權太常少卿樓炤等言檢會祖宗故事喪制禁樂禮例不同或三日或七日或百日

又有釋服之後勿禁今雖已降指揮自發哀至祔廟禁樂除内外品並合禁樂二十七日外今參酌欲乞行在并行宮民庶禁止音樂七日在外州縣禁止三月沿邊軍中及在內諸軍軍行教閱不禁詔依

四月二十一日臣僚上言竊惟陛下自聞道君皇帝寧德皇后諱問哀毀踰制雖勉從羣臣所請外朝以日易月然至今追慕不已於宮中見執三年之喪逐日御朝衣服淡素扇簞儀物皆非采色孝思彌篤前古王帝不能及也臣比因上殿又曾面奏乞百姓禁樂三年親聞德音以謂禁固當然但念細民有以樂為業者無已得依食臣聞斷一木殺一獸不以其時古人謂之非孝陛下哀憫元元唯恐一夫失所推此心以往孝德大矣顧

臣早隘何足知此臣伏見禁樂已依太常寺所申仍有指揮將來百日大小祥並御殿諸路州縣禁作樂及屠宰一日臣愚欲乞前後並禁三日所以然者聊以表臣民未能遽忘道君皇帝寧德皇后恩德之深亦以上副陛下三年追慕之情甚非難行之事奉聖旨令禮部太常寺討論聞奏檢會祖宗故事大小祥廢朝并進禁樂屠宰執禮例不一有五日或七日或十五日其卒哭日禁樂屠宰於故事即無該載今看詳卒哭日欲乞且依已降指揮施行外所有將來大小祥合行禮數乞從太常寺各於前期參酌條具施行詔大小祥合行諸路州縣禁樂七日屠宰三日

十一月十七日禮部太常寺言已降指揮聖文仁德顯

孝皇帝顯肅皇后神主祔廟于小祥前卜日今檢會故事啟橫至祔廟禁在京音樂今欲乞自十一月二十七日迎重立虞主日禁止行在行宮音樂至十二月十日祔廟畢仍舊詔依

十一月二十二日禮部太常寺言紹興八年正月二十五日聖文仁德顯孝皇帝顯肅皇后小祥日已降指揮諸路州縣禁樂七日屠宰三日其行在行宮未有該載欲比附永昭陵故事禁樂四十五日禁屠宰一十日乞自紹興七年十二月二十五日至紹興八年二月十日禁樂并自紹興八年正月二十一日至二月一日禁屠宰詔依

八年十一月四日禮部太常寺言勘會將來大祥依國

朝故事在京興府畿合行禁會檢衛永昌陵故事治平二年正月九日詔以大祥京師自二月一日府畿自三月一日禁樂至四月十五日係京師禁樂七十五日府畿四十五日所有將來徽宗皇帝顯肅皇后大祥禁樂欲依永昭陵故事行在不自十二月一日禁樂臨安府所屬諸縣自來年正月一日禁樂並至二月十五日詔依

十二年六月二日禮部太常寺言勘會今來迎護梓宮赴行在依紹興九年已降指揮梓宮到東京日其行在并東京並禁音樂至掩皇帝畢仍舊所有將來梓宮至行在禁樂日數欲乞俟梓宮到日禁止行在音樂至將來發引掩攢畢仍舊詔依



大小祥禫祭

易以日

紹興七年二月一日宰臣張浚等百官上表請皇后依

故事以日易月之制至是七上表方允所請是日

朕所不忍廢卿等以軍旅為言至也于六宋外朝之臣

文自親謀德用三年易月喪自今天行之子于以庶人

不可使身忘其持君心知如其非者又不肯改自常禮

皇不帝大行常終皇如知今日禮者又當如何恭惟大行

有無時而終君臣以然考於禮誓不復則服不除寢苦

于父之子思君臣之義也伏下規某大月某日聖旨緣國

典故以日易月承切也為非矣自常禮言之陛下降有

行之遺詔然後連承今也大行詔旨不聞而陛下降有

人之所不以日易月出藥必無意也供大前行之屢中

得周正念及此茶毒能割備難堪忍縱未能守為守伏

年惟之義不候然以終身除服之當服二十七日而除之

傳之軍旅又知薄焉必非聖人之所安也又曰舜安憂三  
記而之軍旅又知薄焉必非聖人之所安也又曰舜安憂三  
益非杖而無與之日是乃不執則有是事之長故魯侯有  
公之喪而徐與之末郊不執則有是事之長故魯侯有  
其誓斷命乎決得禮之變方將哭之執以墨衰臨朝非  
下所取帝乎德無疑也如合聖之使乞難報歐訓云恭  
太子所取帝乎德無疑也如合聖之使乞難報歐訓云恭  
未一仲鑒復見怨遠至在大朕放忘之所至痛國多虞難  
慈願香不鑒復見怨遠至在大朕放忘之所至痛國多虞難  
諒閣然喪三麻杖即戎衣墨人任有權制布告中外昭示  
朕躬然喪三麻杖即戎衣墨人任有權制布告中外昭示  
懷其合行典之禮今當以司集不諱恭誦其罪陛下親  
人子而忘孝之禮今當以司集不諱恭誦其罪陛下親  
自中降出必有一新四方助臣不勝大願  
地神明亦必有一新四方助臣不勝大願

二月三日權太常少卿樓照等言已降指揮從百僚所  
請服制以日易月所有初七係小祥十九日係大祥二  
十一日係禫祭除日契勘大小祥禫祭除依禮經合有祭  
告之禮今欲乞遇前項日依倣禮經皇帝親行祭奠之

寶彝堂

禮並不成服之儀更合取自朝廷指揮勘會已降指揮  
宮中行三年之喪將來實及大小祥禫日自行依禮經  
致祭所有今來以日易月其祥禫之節係府同百官亦  
合致奠如成服之儀詔依

二月四日太常寺言服制以日易月所有小祥大祥禫  
祭除日皇帝親行祭奠之禮今先次條具到合行事件  
下項 一逐次合用香案香爐盤盞茶盞托奠茶酒盃  
子盆臺燎祝柴草等並乞下提舉欽奉所指揮所屬排  
辦 一合用祝文六首 二首述以小祥日行祭奠之意  
二首述以大祥日行祭奠之意  
二首述以禫日行祭奠之意 御封降真香六合詔依

二月七日道君皇帝寧德皇后小祥皇帝行祭奠之禮  
于帳奠 請自外朝以日易月之制也 二月六日尚書省

劄子行宮禮部太常寺申已降指揮遇成服大小祥禫  
群臣皆奉慰切緣行在用聞喪恤禮合至二月十九日  
係大祥日二十一日係禫除日其行宮正月二十七日  
係聞日合至二月二十一日係大祥二十三日係禫除  
今欲令行宮留守司文武百僚預於二月十七日候朝  
臨畢於尚書省中書門外拜表奉慰所貴應期殺進所  
所有行官合至大祥釋喪服制禫除釋常服止以聞  
日為始候指揮劄付行宮禮部太常寺依所申施行  
二月十九日道君皇帝寧德皇后大祥皇帝行祭奠之  
禮于恆殿是日宰臣張浚奏曰日月不居外朝喪禮已  
及大祥伏惟聖情追慕難堪上曰胞朕抱沉痛迫於卿  
等力請勉于外朝從易月之制使朕終身不釋喪未足

稱朕追慕之意也

大小祥祭行禮儀

其日御史臺太常寺閤門引文武百官詣殿門立班定  
禮直官先引讀祝文官詣道君皇帝几筵香案之西東  
向立禮直官太常博士太常卿于帷前北向立候皇帝  
自內服小祥之服大祥服大祥之服詣几筵殿側入  
御帷即座簾降閤門報班齊禮直官太常博士引太常  
卿當帷前俛伏跪奏太常卿臣某言請皇帝為道君皇  
帝寧德皇后小祥日行祭奠之禮大祥日即奏云大祥  
日行祭奠之禮奏訖伏興簾捲禮直官太常博士太常  
卿前導皇帝出帷詣殿下西向褥位立奏請拜皇帝再  
拜在位官皆再拜訖禮直官太常博士太常卿前導皇

帝升詣道君皇帝几筵香案前奏請上香再上香三上香跪內侍進茶酒又奏請執盞酌茶三奠酒俛伏興奏少立讀祝文官東向跪讀祝文訖禮直官先引讀祝文官詣寧德皇后几筵香案之西東向立奏請皇帝舉哭俟哭止奏請拜皇帝再拜在位官皆再拜前導官前導皇帝詣寧德皇后几筵香案前行禮並如上儀訖前導官前導皇帝降階復位西向立又奏請拜再拜在位官皆再拜訖前導官前導皇帝歸幄簾降前導官退歸本班次宰執率文武百官詣御幄前東向立班奉慰再拜訖次宰執升階入御幄致詞降復位再拜訖百官退皇帝還內

### 釋服

紹興七年二月十二日尚書省劄子太常少卿吳表臣  
劄子檢會永昭陵故事太常禮院言皇帝釋跽常服常  
服羣臣如之宗室出則常服居則衰麻以終喪從之今  
欲依前項故事宗室合隨羣釋服外仍各合依服屬終  
喪劄下太常寺劄子內事理施行

二月十七日尚書省劄子太常少卿吳表臣等劄子已  
降指揮禪除畢服常服群臣皆黑帶卒哭始純吉服本  
寺檢會章獻明肅皇后明道二年禮院言二十七日禪  
畢常服群臣皆黑帶卒哭純吉服今來文武百僚合俟  
二月二十一日釋服依上件故事止該載黑帶即無佩  
與不佩魚之文今參酌釋服之後服常服黑帶已是不  
盡飾自行佩文魚劄付禮部依劄子內所陳事理施行

同日尚書省劄子太常少卿吳表臣等劄子勘會今來百官掛服至大祥日行事畢合服禪服至禪除日合服常服其百官易服去處今參酌欲乞十九日大祥日百官服孝服俟陪位訖職事官歸幕次換皂頭巾服禪服出皇城門餘官於皇城門外易服二十一日禪除日百官服俟陪位訖職事官歸幕次換章服黑帶出皇城門餘官於皇城司門外易服劄付太常寺依劄子內事理施行

四月二十五日禮部言都省批下行宮太常寺申安定郡王令廣心等劄子禮部連到檢會祖宗累朝舊制節文喪服以日易月在外三日而除應士庶婚嫁三日服除外不禁契勘宗室男女婚嫁未有明降指揮欲望降



下遵守勘會昨據行宮太常寺申到上件事理送禮部  
行下太常寺看欲依已降指揮各合依服屬終喪今再  
看詳昨昭慈聖獻皇后禮例係園陵故事候祔廟畢許  
令宗室男女婚嫁並不分服屬遠近切詳今來道君皇  
帝升遐寧德皇后上仙即與昭慈聖獻皇后園陵事體  
不同欲乞依已申事理令宗室宗女各依服屬終候喪  
日許令嫁娶詔依

卒哭

紹興七年三月二十六日御藥院言昨昭慈聖獻皇后  
卒哭大小祥依惠恭皇后故例排辦修設下項設大齋  
會一中見錢七百貫設浴看經下項並以絹折設浴一  
會錢五十貫九幽拔罪經二藏每藏錢二十貫金剛經

度人經各二藏錢四十貫文奉聖旨除九幽拔罪度人  
經更不看轉外餘依故例排辦修設仍令在藏庫支供  
所有將來道君皇帝寧德皇后卒哭大小祥會到太常  
寺依禮例合實理月日修設詔依故例排辦

四月十三日太常少卿吳表臣等言五月五日卒哭除  
行在已指揮是日作休務假宰執率百官詣几筵殿燒  
香緣行宮未有該載欲乞至日行宮留守率百官詣佛  
寺行香畢次詣行宮門外進表奉慰訖退仍作休務假  
一日詔依

四月二十一日詔將來道君皇帝寧德皇后卒哭建康  
臨安禁屠宰三日

同日臣僚上言竊惟陛下自聞諱間哀毀踰制雖勉從

群臣所請外朝以日易月然至今追慕不已故於宮中見執三年之喪逐日御朝衣服淡素扇篋儀物皆非采色孝思彌篤前古帝王不能及也臣前後累曾論奏乞群臣亦服淺淡去飾陛下深念三年之喪廢之已久今已禍變非常哀痛罔極但欲躬行以盡人子之孝不欲群臣皆行故令群臣見今止是常服黑帶佩魚至卒哭日皆純吉服今來卒哭將近恭料陛下雖經卒哭御朝畢且如今日服飾群臣皆可使純吉服欲乞卒哭後群臣且服黑帶以俟梓宮之還當候小祥別降指揮奉聖旨令禮部太常寺討論聞奏今討論欲依將來祔廟畢純吉服若依今來討論到事理其行宮亦合依此詔群臣候祔廟畢純吉服

四月二十四日行宮太常寺言留守司劄子五月五日  
卒哭行宮留守率百官詣佛寺燒香畢次詣行宮門外  
進表奉慰本寺契勘欲于四月二十五日預行拜表所  
有修撰表文并拜表節次乞依旦望拜表禮例施行兼  
契勘至日先拜起居表訖次拜卒哭奉慰表詔依

五月一日太常少卿吳表臣等言勘會將來道君皇帝  
寧德皇后卒哭已降指揮是日宰執率百官詣几筵殿  
燒香本寺今欲乞是日俟燒香畢次詣常御殿門外進  
名奉慰詔依

五月四日行宮太常寺言勘會五月五日卒哭依指揮  
於法惠寺殿上東西設位牌至日行香畢其位牌合行  
焚燒今參酌比附昨禪除畢徹位禮例修立到儀注其

日行香畢俟太常寺捧道君皇帝寧德皇后二位牌降  
階至樞星門外御史臺閣門太常寺引班首先立東西  
班回班南向立禮直官引留守於香案前南向立有司  
舉火焚燒次禮直官贊留守稽首跪奠茶執笏俛伏興  
又禮直官揖躬拜留守再拜在位官皆再拜訖少立次  
退內寧德皇后位牌合用黃羅帕一條自方五尺蓋覆  
并黃絹帶子二條及合用香案花瓶麻爐茶盞托下臨  
安府排辦若值雨欲依忌辰例于廊上立班詔依

請聽政

紹興七年正月二十八日宰臣張浚等請入奏事上遣  
御藥趙輒宣旨曰知欲奏事以荒迷中未能裁決庶政  
兼不知祖宗故事當有比否恐今日行之便為典禮臣

浚等復奏曰祖宗故事未聽政之時大臣亦得進見今日臣等非敢奏事實以累日不侍清光昨晚成服伏見主上哭踊過哀不勝憂懼竊欲一望天表少伸惓惓之誠輒入奏復宣旨曰深欲一見群臣誠以哀迷未能支持借或相見不過慟哭而已浚等流涕奉詔

二月二十日尚書省劄子權太常少卿樓照等劄子檢會真宗皇帝故事乾興元年二月十九日崩二十一日上表請聽政不允至二十三日上表二十五日皇帝聽政於崇政殿之西廡廊下簾幕皆縞素宰臣升殿奏事如舊儀其日宮中祭告大行皇帝而後聽政焉本寺今欲乞依典故俟皇帝聽政日所有簾幕用縞素劄付禮部依所陳施行

二月三日太常少卿吳表臣等言契勘將來皇帝聽政

如係未釋服以前其引班人若行弔臨之禮即依舊且服衰經若遇內殿引班奏事即合服常服內繫纓帶人即易黑帶詔依

二月五日張浚等率群臣上表請皇帝聽政不允至是五上表內批俟過小祥於几筵之側權設素帷許輔臣奏事緣今月七日已過小祥臣等欲於今月初八日奏事詔依

### 御殿

紹興七年二月十二日行在禮部太常寺言檢會永昭陵故事禮院奏朔望不御前後殿至祔廟如故從之今參酌欲乞自釋服後祔廟日前遇朔望依故事不御前後殿百僚於常御殿門外進名奉慰詔依

二月二十一日都省言勸會群臣近上第三表奏請皇帝御殿已降指揮所請宜允依故事合行擇日太史局供到二月二十四日丙辰吉欲用是日御殿詔依四日皇帝始御便殿素衣在苑上御淺色衫遠望之純素厚臣莫不感動二十月

二月三十日詔曰道君皇帝寧德皇后喪制近雖從群臣所請外朝以日易月而朕躬行三年之喪將來百日大小祥並不御殿作休務假諸路州縣禁作樂及屠宰一日

十二月十三日閣門言近申請徽宗皇帝顯肅皇后祔廟畢日後遇朔日不值殿伏乞朝廷速賜指揮太常寺檢永昭陵故事朔望不御前後殿至祔廟如故今來已祔廟畢所有朔望不值假合依前項故事施行詔朕宮



中行三年之喪朔望御殿情實不安可並依舊

中興禮書第二百三十八卷

凶禮三

永祜陵

議謚

紹興七年二月八日翰林學士知制誥朱震給事中胡世將言竊見漢宣帝欲褒武帝詔丞相御史與列侯二千石博士議於群臣大議於庭中所以重宗廟也本朝乾興元年夏定真宗皇帝謚其秋告天於圓丘史臣以爲天子之謚當集中書門下御史臺五品以上尚書省四品以上諸司三品以上於南郊告天議定然後連表以聞近制唯詞臣撰議即降詔命庶僚不得參聞頗違稱天之義故仁宗上仙翰林學士王珪請詔有司稽詳

舊典先之郊而後下臣而議震等謹案曾子問曰賤不誅貴幼不誅長禮也唯天子稱天以誅之則請謚於天告於南郊其說為是然公羊說讀誅制謚於南郊若云受之於天然則讀之者似非所議也蓋謚成而讀之耳今震等欲乞如漢故事前期三日報中書門下尚書省御史臺諸司當集議官某日會于尚書省集議其議狀或各為之或三五人共為之議定震等集其說為謚議連表以聞然後擇日集官於南郊為壇告天讀之納諸太廟庶幾道君皇帝之謚有以信萬世之傳詔依仍于今月十一日集議其狀今五日内申尚書省

二月九日太常少卿吳表臣等檢會昭慈聖獻皇后故事合集官於尚書省議謚係令侍從臺諫以上集謚六

曹郎以上書謚今來集議道君皇帝寧德皇后謚號除  
禮部太常寺官依禮例合赴外所有集議日分并某官

已上趙赴伏乞朝廷指揮詔監察御史已上趙赴

月十二日命參知政事陳與義撰道君太上帝幸德

求皇后實文參知政事陳與義撰道君太上帝幸德

史館修撰文參知政事陳與義撰道君太上帝幸德

仁德顯考皇帝慈聖光獻皇后聖文神武皇帝

皇帝躬親上皇之姿承列聖之緒依託廊大度臨機獨斷故

能席富無不覆載如三辰之無不極居尊于時修廢官謹如

天地之無不覆載如三辰之無不極居尊于時修廢官謹如

禮樂之議定南北之郊禮考四年無孝悌之制以嚴宗祀之

配廣之議定南北之郊禮考四年無孝悌之制以嚴宗祀之

不可尚己方且招徠殊俗混一之方其效治之美昭補乎

高蹈乎萬物之表則又有大觀之常矣非長子主之器而

心乎故北狩之年而民懷之思歸之矣不足以及名其有

曰孝若乃才木天統厥學窮道妙藻思粹大慮通達  
非至聖乎青賤以明上下以治天被四海漸敷成章非  
至文乎協氣充塞為大和至仁乎朕後天位克享  
尊稱非至德乎宜民宜人燕及後昆非至顯乎尊祖  
宗傳叙九族非至孝乎其夫燕喜者美之至也陽生子其  
美直于東南陰生于其夫吳極于西北天地之莫子其  
日之積歲我國家聖聖相繼之極于通君太上皇帝禮  
而治然後聲名昭著文物治辦之極于通君太上皇帝禮  
有宗而功有總封上進君太上帝尊顯聖文仁德顯  
孝皇帝廟號曰徽宗近等謹議

二月二十一日太常少卿吳表臣等言今來道君皇帝  
后謚號已集官同共具議狀申朝廷訖已降指揮合差  
撰謚議官詔差翰林學士朱震

四月六日太常少卿吳表臣等言今來道君皇帝寧德  
皇后謚號已下檢會國朝故事永昌永定陵奉謚用寶  
告南郊永昭永厚陵以謚議于南郊諸后皆奉謚用寶  
告于廟所有將來道君皇帝欲乞依昭厚陵故事謚議

請于南郊寧德皇后謚欲乞依諸后故事奉謚用寶告  
于太廟詔恭依宗會要四月十日祀部太常寺言依故  
了日合文仁德顯孝皇帝寧德皇后依奉謚用寶了日合  
恭依

四月二十六日禮部太常寺言今參酌將道君皇帝謚

議請于南郊合行事件 一合用御封降真香一合蒼

幣一遐祝文一首述于天道君皇帝請一請謚行禮日

依禮制皇帝前後殿不視事是日百司作休務假一日

一檢會永昭陵故事請謚于南郊太尉羣臣宿齋于

尚書省宗子于都亭驛今欲乞前一日太尉宿齋于尚

書省讀謚議等行事官齋于本司陪位官至止日赴

所有逐合行纂次等並下儀鸞司同建康府排辦 一

合用神位版下太史局排辦并差學生供設祇應一  
俟朝廷降謚謚議于太常寺收掌請謚前一日於設位  
處令儀鸞司設帷安奉合用謚議匣素衣下建康府制  
造一依故事請謚畢歸齋宮列名上之即不該載甚  
官已上若以應陪位官列名竊慮員數稍名欲乞以文  
臣監察御史已上并禮官武臣大夫已上書名上之內  
書奏乞依昨昭慈聖獻皇后禮例下考功施行一奏  
告合用酒鹿脯鹿鬻茅燎草蠟燭香爐炭并囊括藉祭  
器席等並乞下建康府排辦一行事太尉讀謚議官  
舉謚議官奉禮郎太官太祝令並服祭服外應陪位百  
僚並服常服立班詔依

六月十一日禮部太常寺言已降指揮道君皇帝謚議

請于南郊合行差官 一率羣臣請謚號于南郊合差  
攝太尉一員依故事係差宰臣一合差讀謚讀官一員  
差侍從舉謚議官二員乞差六曹郎官奏告奉禮郎太  
祝太官令各一員乞差六曹郎官並乞降勅差官其陪  
位羣臣依禮例是日合權易吉服立班俟禮畢依舊詔  
依

六月十八日攝太尉宰臣張浚奏謹率羣臣詣南郊道  
君皇帝謚議曰臣聞漠然無際萬物資之以有生者謂  
之天代天理物而天下宗之以為主者謂之帝在昔放  
勳重華帝之盛者也降及二代夏十七<sup>有</sup>君商三十王史  
皆謂之帝豈二帝三王時雖不同而代天理物無二道  
歟夫易名之義必讀之郊予以告上帝者人君處天位



治天職上當天意而後誡之則將公萬世而傳之矣恭  
惟道君皇帝躬睿主之資繼列聖之緒有懷斗載千之  
異協瑤光貫月之祥粵其潛德未升合章不耀而行安  
節和之舉固已播于諸侯宗藩聞於朝廷列位矣泰陵  
上賓入繼大統謳歌所歸景命有僕皎然如清風戒旦  
而白日登隱然如春雷出地而幽蟄奮方是時也恤鰥  
寡存孤獨出德政改制度病者養死者葬老者安少者  
懷絃歌之聲徧於四海冠帶之倫被于八荒網罟之所  
及耒耨之所布舟車之所至聲教之所被蓋遐邇通一體  
中外禔福而又覽姬誓法營室而總章建脩犧象潔粢  
牲而清廟修審鍾律而致五聲八音之和正郊祀而定  
圓丘方澤之制述五禮以齊俗明八刑以糾姦是以在

位二十有六載懷生之類莫不漸漬休澤沐浴太和猶  
以為未也而謂僻陋殊俗之國遠絕異黨之域土斷壤  
隔正朔未加加之則犯義滅禮外之則渝盟造兵跂踵  
之民延頸俟后故弔伐之師行焉夫國者天下之大器  
也位者天下之大寶也宣和之末上畏天戒付社稷於  
元子視委大器去大位若棄敝蓑然所謂功成身退有  
大美而不居者歟謹按謚法窮理盡性曰聖經緯天地  
曰文功施於民曰仁有義可尊曰德受祿於天曰顯慈  
惠愛親曰孝若乃游于六藝之圃馳乎仁義之塗脩容  
禮園翔翔書園聖之至也上則三辰全寒暑時下則萬  
物盛山川寧典章粲然人道大脩文之至也德澤滂流  
淪浹肌髓故聞諱之日如喪所親塗悲巷哀聲動天地

仁之至也禪遜之事古人為難自神堯明皇而來皆不  
得以盡其美乃斷以社稷之義天地消息之理饗天下  
養為天子父德之至也時亨歲貢為下國駿龐顯之至  
也仰奉九廟傍睦九族孝之至也夫徽者至美也大舜  
致五典之美謂之徽文王盡文德之美謂之徽大似嗣  
大任之美謂之徽蓋總衆美而論一言足以盡之者其  
惟徽乎致治之美由前所云可謂致美傳曰允迪前徽  
其斯之謂乎且宗者尊之也商之三宗漢之七制皆以  
其德可尊是以宗之道君皇帝尊謚宜天錫之曰聖文  
仁德顯孝皇帝廟號曰徽宗詔恭依宋會要張太尉張俊  
議官吏尚部書選近舉議議官戶部郎中周幸兵部  
郎中薛徽吉奉禮郎度支郎官莊必強太祝初部郎官  
勾龍如淵大官令  
却官馬康國

議謚告于南郊儀

其日太尉并行事陪位文武官僚並赴設位處門外下

馬詣幕次各服其服

陪行事官服常服

俟有司設權置謚

議匣業褥位於殿下及實設禮料畢御史臺太常寺閣

門分引文武百僚入就位次引奉禮郎太祝太史官令

詣陪位班之前褥位立次引讀謚議官詣謚議案之後

褥位立次引舉謚議官詣讀謚官之後褥位立次引禮

直官引太尉詣殿下褥位立定贊太尉躬拜贊者曰拜

在位官皆再拜訖先引奉禮郎太祝太官令升殿各就

位立定次禮直官引太尉詣盥洗位搯笏盥手悅手執

笏詣爵洗位搯笏洗爵拭爵執笏升殿詣神位前酒尊

所搯笏跪執爵太官令搯笏跪酌酒訖執笏興太尉受

爵訖以爵授執事官執笏興詣昊天上帝神位前揖笏  
跪上香再上香三上香奉禮郎揖笏跪奉幣太尉受幣  
奠之奉禮郎執笏興詣神位立太尉執爵三祭酒于茅  
奠爵執笏悅伏興請少立太祝揖笏跪讀祝文讀訖執  
笏興詣神位立次太尉再拜訖降階復位少立禮直官  
再引太尉詣謚議案權置位次引舉謚議官詣謚議案  
揖笏跪舉謚議匣興執事者先捧謚議案詣昊天上帝  
神位前當中置于神位訖太尉揖笏興少退於神位立  
次讀謚議案上舉謚議官執笏興少立次太尉執笏興  
少退於神位立次讀謚議官案立舉謚議官揖笏跪讀  
謚議訖執笏興降復位舉謚議官奠謚議訖舉謚議匣  
興執事者先捧案降階置於神位舉謚議官舉匣降階

太尉後從至權置定舉謚議官執笏太尉舉謚議官俱  
復位立定禮直官贊太尉躬拜在位官皆再拜訖次引  
考功郎詣謚議權置位前立次引舉謚議官詣謚議案  
措笏舉謚議以受考功郎官訖執笏退復位考功郎官  
受之加於笏上退歸本班次太尉率行事官詣望燎位  
立定俟有司燎祝版幣帛訖退文武百僚以次退其合  
書謚議官並歸次考功郎以謚議付本部以俟書奏畢投  
進宗會要九月五日文武百僚赴几筵殿奉上帝君太  
庚申朔五月甲子哀子皇嗣皇帝臣高宗御名謹再拜  
首上言曰伏以天道不容形聲而聖人有應世之達  
德非可數說而天下有樂推之誠是以先帝明帝于  
前為湯標盛王于後自茲以來降實為定規夫其鋪  
求夫行雖本一人之孝必極萬世之公義而不可  
請于上帝于是有煌煌而不可掩之盛而不可  
在天上有加于此乎大度如漢祖元符之末歷數  
仁如湯小心和周王大度如漢祖元符之末歷數  
有歸

五ノミナ

一、文仁、法顯、孝皇、帝廟、號、徽、宗、伏、惟、威、靈、在、天、降、鑒、不、  
事、陳、與、義、撰、用、文、禮、畢、赴、常、御、殿、門、外、進、名、奉、慰、

奉謚用寶及松栢永樂大典自七千三百四十九

又見其無所用而第一卷全載永祐陵山祀首尾

條通別本錯出于後卷因特加標目類附于此

紹興七年二月十二日禮部太常寺言勘會道君皇帝

升遐依故事合修製用寶及差官撰謚用文并書篆用

寶今參酌下項一修製用寶二副并治用寶法物乞

依故事令工部文思院修製一合差撰用文官書用

文官篆寶文官詔撰用文官參知政事陳與義書用文

官參知政事張守篆額文官吏部尚書孫近

四月十五日禮部太常寺言今來道君皇帝俟奉上謚



號用寶恭依典故合稱聖文仁德顯孝皇帝祔廟畢合

稱徽宗聖文仁德顯孝皇帝

其用寶制度未行禮儀詳寧德皇后下

七月三日參知政事陳與義言近奉勅差臣撰道君皇帝謚用文今恭依聖訓撰成伏以大道不容色聲而聖人有應世之迹至德非可擬議而天下有樂推之誠是以堯舜擅明帝于前禹湯標盛王子後自茲以降實為定規夫其鋪先猷表大行雖本一人之孝必極萬世之公載歌于群臣載請于上帝于是有煌煌而不可掩魏巍而不可尚對越在天孰有加于此乎恭惟道君太上皇帝聰明如舜寬仁如湯小心如周王太度如漢祖元符之季歷數有歸以上聖之才膺溥將之命顯昂之資絕于庶品勤恤之詔行于四方而天人交孚夷夏悅服

矣自御宸極嚴廟社禮鬼神崇孝悌惇宗族重學校輕  
刑罰恤鰥寡勸農桑政治之迹不可盡數而舉要言之  
所由之道主于廣大所用之心本於仁恕是以德之所  
覃澤之所被蒸為淑氣嘘為和風庶邦嘉樂萬物茂遂  
垂衣拱手于穆清之表而天下無事可謂盛矣至于藝  
本天縱學由生知釋經子之微言言正豆籩之古制辭  
合雅頌日星昭回筆超褚薛鸞鵠飛動此又神聖之餘  
事帝王之兼美也若乃國有元儲以時克建前星莫犯  
少海不搖方豐亨之時未有所戒而倦勤之志已定于  
中宣和末年遂決內禪不居神器見黃屋之非心遽下  
詔書曾桑蔭之未徙二十六年之間自朝而野自華而  
戎皆知聖人以柔道治天下而一日曠然神机自運獨

智不疑至健發于乾綱大勇表于虎變自五帝以還雖  
三王之烈不足進焉運鍾陽九北狩累年執常度以自  
居臨多難而不懼謂天悔過事有還形而喪氣晝昏諱  
問奄至遺澤之浸感動于黔黎追號之聲震烈于蒼昊  
顧惟菲德獲奉詒謀而行負于神禍延所恬不與嘗藥  
之列不聞憑几之言抱終天難割之悲實自古非常之  
變雖梓宮之未復敢廟祔之久虛肆依義起之文先行  
升祔之禮遂以古訓稽謀于天祇易大名昭示來世謹  
遣某官奉用寶上尊號曰聖文仁德顯孝皇帝廟號徽  
宗伏祈威靈在上降鑒不遐膺受顯揚永安閔恤尚錫  
邠祚傳于無窮詔付書用文官

七月十八日禮部太常寺言將來奉上册用寶前二日

奏告天地宗廟社稷宮觀今參酌到合行事件 一合

用御封降真香一十七合祝文一十五首青詞二通

以奉上帝之命 幣帛一十七段白三十一

二 一奏告天地社稷合用神位版并鋪設學生乞下

太史局排辦差撥 一逐處各合差奉禮郎太祝太官

令各一員內太祝差文以 並前一日絕早赴祠所下建

康府差官 一合用酒脯鹿鷄蠟燭鶯梨香爐匙合縮

酒茅燎草等並乞下建康府排辦詔依

中興禮書第二百三十九卷

凶禮四

永祐陵

虞祭

紹興七年閏十月十一日祠部員外郎兼權禮部員外郎勾龍如淵言太常寺官以聖文仁德顯孝皇帝顯廟皇后梓宮未還久傳宗廟朔旦之祀欲行牙盤上食燒香之禮竊緣前來五月內禮官以宗廟久闕祭饗乞不候梓宮之還前期修製虞主神主擇日祔廟得旨討論是時本部與太常寺官以朝廷方遣使迎奉梓宮欲少俟奉使奏報見得梓宮還期遠近乃議申明已具稟朝廷矣繼此又以數月奏使亦未有奉報消息而在祀典

不可曠牙盤之薦又終非宗廟禮之正者按景德元年  
司天以明德皇后園陵不利大葬用宗正卿趙安易之  
議嘗以牙盤薦食太廟然不數月終以宗廟之重權一  
時之宜行攢宮之禮禮畢祔廟九虞之祭前期而舉之  
今來聖文仁德顯孝皇帝祔宮尚遙陵寢未卜事故非  
常難拘常禮欲依禮官前來所乞下有司先次擇日祔  
廟庶幾神靈早安于宗廟祭饗不廢於歲時亦景德故  
事權時合禮之意乞自朝廷特特賜敷奏施行詔令侍  
從臺諫官於今月十五日赴尚書省集議

十六日戶部尚書章誼等言謹案禮天子七月而葬葬  
而九虞虞用柔日春秋左氏傳曰凡君薨卒哭而祔周  
官大祀付練祥掌國事鄭康成曰付當作祔禮記曰虞

祔練祥合是四者言之則既葬而虞虞而卒哭卒哭而祔祔練祥此大喪之節也今聖文仁德顯孝皇帝顯肅皇后梓宮未還使人未復宗廟之祀久廢謚用之禮不行非所以稱陛下奉親之孝盡人子罔極之恩誼等伏請如勾龍如淵議依景德元年明德皇后故事行埋重虞祭祔廟之禮及乞依嘉祐八年治平四年虞祭畢而後卒哭卒哭而後祔廟仍於小祥前卜日行之權時制宜於義為得謹議詔恭依

十一月十二日禮部太常寺言已降指揮聖文仁德顯孝皇帝顯皇后梓宮未還依故事行埋重虞祭祔廟之禮其合行典禮令討論申尚書省今討論下項一將來迎重并虞主回几筵殿及神主祔廟日合差成儀僧

道各一百人下建康府差其禁衛軍官親從官執打從物織扇等並乞令都大主管指揮所屬量人數差一迎重日合用綵結殿子二座下儀鸞司計會几筵殿官前期結縛一將來迎重詣報恩光孝觀權行安奉埋重并行虞祭其本觀合量行擗截除治欲乞下建康府備辦擗截除治一迎重立虞主日合差內侍二員幹辦及晝夜在彼守宿照管并遇行禮日捧遷下入內侍省差仍乞下皇城司差親事官二十八守宿分番祇應一合修製虞主扶座青白羅巾浴斛題神主筆墨硯行障浴室法物等乞下工部指揮文思院計會太常寺修製一虞主回日并祔廟日依禮例迎奉虞主升重翟車用儀仗導引緣今來儀仗未備欲權用常日禁



衛及執打從物等導引仍令都大主管官閣請見今几

筵殿輦輿權代翟車所有至日合差禁衛并從物亦乞

令都大主管報主管禁衛所相度差撥一迎重日虞

主回日及行安神禮虞祭卒哭奉辭及祔廟合用御封

降真香乞令太常寺開具合用數報入內侍省取降

一太常卿行九虞祭合用祝文一十八首並述以行九虞祭之

老皇帝親行卒哭之禮合用祝文二首述以行卒附廟

合用祝文一十一首並述以行卒哭之禮合用祝文二首附廟

契勘自迎重日立虞主行第一虞祭已後每日行一虞

祭係九月九虞祭畢次日係卒哭致齋日分又次日行

卒哭之祭卒哭後一日係祔廟日分太史局尅擇官供

選迎重宜用十一月二十七日乙卯吉詔依太史局中

所用當日與時言埋重時宜用當日坤時  
所設處正北偏西壬地利用埋重玉吉

十三日禮部太常寺言翰林學士知制誥朱震奏臣竊  
見侍從臺諫官集議尚書省伏為聖文仁德顯孝皇帝  
顯肅皇后梓宮未還請如祠部員外郎勾龍如淵議依  
景德元年明德皇后故事行埋重虞祭祔廟之禮及乞  
依嘉祐八年治平四年虞祭畢而後卒哭卒哭而後祔  
廟仍於小祥前行之或有疑於虞祭謂當止行祔廟之  
禮又或有疑於埋重之所謂於几筵之前則太近於城  
外則太遠臣請以禮經及先儒舊說論之禮記曾子問  
曰廟有二主禮與孔子曰天無二日土無二王嘗禘郊  
社尊無二上未知其為禮也昔者齊威公孟舉兵作偽  
主以行及反藏諸祖廟廟有二主自齊威公始也今若

止行祔廟之禮當作栗主他日梓宮還葬而九虞又作  
桑主是廟有二主也於禮文不合矣又明德皇后故事  
於殯宮埋重虞祭祔廟其後葬于園陵不聞別有埋重  
虞祭之事若梓宮還葬置廬衣於御帷具法駕迎於太  
廟藏廬衣於室則於禮兩得之又埋重之所案既夕禮  
將葬甸人抗重出自道左倚之鄭氏注云重既虞將埋  
之又士喪禮重與柩相隨之禮柩將出則重倚於道左  
柩將入於廟則重止於門西是倚於道左將埋之者謂  
埋於廟門外之道左也如是則埋重之所得遠近之中  
矣奉聖旨令禮官參討論禮部太常寺討論下項一  
檢會國朝山陵故事梓宮發引日皇帝於宣德門外奉  
辭百僚於板橋奉辭其掩皇堂日奏請神靈上虞主訖

埋重於皇堂隧道次行第一虞祭至瓊林苑行第七虞祭畢迎虞主於集英殿 皇帝於殿門奉迎百僚於板橋奉迎至殿皇帝行安神燒香之禮訖次有司行第八第九虞祭畢皇帝行卒哭之祭至祔廟前一日皇帝齋于垂拱殿祔廟日自集英殿導至宣德門外奉辭有司奉虞主至太廟之祔廟之禮於故事即無該載廟門外埋重文之今來欲附前項故事於祔廟前擇日自几筵殿迎重於報恩光孝觀權行安奉是日皇帝先於几筵前燒香如宮中之儀畢還內次宰執率百僚燒香畢退禮儀使率合迎重有司奉迎詣本觀候時奏請神靈上虞主訖埋重於本觀利方次太常卿行第一虞祭夙興行第二虞祭已後每日依禮例行一虞祭至第七虞祭

祭畢迎奉虞主還几筵殿是日百僚於行宮門外奉迎至几筵皇帝服履袍奉迎前導虞主升殿畢次詣逐位前行安神燒香之禮訖還內次有司行第八第九虞祭至祔廟前二日皇帝行卒哭之禮祔廟前一日皇帝齋於內殿有司不奏刑殺文書至祔廟日皇帝自几筵殿導虞主至行宮門外奉辭畢禮儀使奉虞主詣太廟奏請神靈上神主訖以次引行祔廟之禮一今來欲依明德皇后攢殯故事先行虞祭畢次行卒哭卒哭而後祔廟若將來迎奉梓宮到合遵用永安陵故事行改葬之禮即不合立虞主一迎重日并虞主同日及祔廟日禮畢依禮例是日皇帝不視事百僚詣常御殿門外進名奉慰一將來神主祔廟迎重立虞合差都大主

管官一員依禮例係差近上內侍充詔依

十九日禮部太常寺言勘會迎重詣報恩光孝觀俟時  
理重立虞今參酌比附到合行事件 一至日俟宰執  
率百僚燒香畢迎重時將至欲乞令太常寺卿詣重前  
燒香訖次几筵殿幹辦官率工匠開塹尅澤官抗重捧  
升綵殿其合用工匠乞令几筵殿幹辦官報修內司差  
一迎重詣報恩光孝觀埋重立虞乞於時前先行奏  
告本觀昊天上帝其奏告官奉禮郎太祝太官令並乞  
就差第一虞祭行事官 一奏告合用御封降真香一  
合青詞一首 述以奉迎聖文仁德顯孝皇帝顯廟皇帝  
重始本觀權行安奉俟時埋重立虞主奏  
告之 蒼幣一段神酒鷺梨法醬蠟燭等乞下所屬排辦  
一几筵殿門外合用百官幕次并報恩光孝觀殿上

安設帷次二座及拜席褥等下儀鸞司同建康府排辦  
一迎重於時前合差太常卿一員燒香乞令本寺少  
卿充攝詔依

二十三日禮部太常寺言將來祔廟前期太常卿行九  
虞祭俟虞祭畢皇帝行卒哭之祭參酌比附到合行事  
件 一俟虞主升殿安奉訖皇帝行安神禮并卒哭祭  
合用香爐匙合燈燭等並乞令祔廟都大主管官報所  
屬排辦其卒哭祭畢祝文幣帛付本殿官一面焚燒  
一九虞祭合用白幣一十八段卒哭祭合用白幣二段  
一九虞祭饗官依故事係太常卿行禮今乞降勅差  
本寺少卿充所有合差奉禮郎太祝太官令各一員乞  
令本寺丞博士充如職事相妨報建康府差 一九虞

祭行事官乞於報恩光孝觀致齋卒哭祭行官事於本  
司致齋一卒哭祭合差進幣爵酒官一員酌酒官一員  
乞降勅差六曹郎官充 一卒哭行禮日皇帝不視事  
俟行卒哭祭畢皇帝還內文武百僚詣常御殿門外進  
名奉慰 一迎奉虞主并行安神禮及卒哭祭其几筵  
前後殿合用升降慢道乞令修內司修築 一第八第  
九虞祭依已降指揮在几筵殿行禮其合用蠟燭燎草  
乞令本寺報皇城司行下經由門戶放入內上香炭火  
麻爐匙合香紫并焚燒祝幣火並令本殿排辦詔依  
二十五日禮部太常寺言將來十二月五日皇帝迎虞  
主八日行卒哭祭十日祔廟親導虞主依昭厚陵故事  
請皇帝服履袍行禮其故事即不該載供進是何色履



袍今乞令有司供進黃袍紅帶詔依

二十六日禮部太常寺言勘會文思院修製虞主神主今乞依故事俟修製畢虞主於几筵殿交割神主於太廟奉安所交割詔依

十二月二日太常寺言准尚書省劄子勘會十二月五日虞主將至几筵殿皇帝迎奉前導虞主升殿并十日親導虞主至行宮門外奉辭若不測雨降既未見有司曾如何排辦劄付太常寺同都大主管所疾速相度措置本寺勘會其輦輿禁衛等已牒都大主管所措置外本寺今相度措置下項 一十二月五日迎虞主前導升殿依已定儀注合几筵殿門外捧虞主降輦輿升腰輿入几筵殿正門若值雨降由正門入巡東廊又緣殿

門裏東牆妨礙腰輿道路今欲乞自几筵殿門上頭東  
由殿東門入其前導官自御輦前導皇帝由東廊奉迎  
升殿東側階即不妨礙行禮 一十二月十日親道虞  
主至行宮門外奉辭已降指揮自內乘輦赴几筵殿門  
外降輦入輦若值雨降欲乞更不乘輦自內由几筵殿  
後入輦俟皇帝詣虞主前行寧神禮畢親導虞主腰輿  
由東廊出殿門東至殿中門外權駐腰輿與前導官前導  
皇帝於殿門上奉辭餘依已定儀注詔依

中興禮書第二百四十卷

凶禮五

永祐陵

祔廟

紹興七年十一月十二日禮部太常寺言已降指揮聖文仁德顯孝皇帝顯肅皇后梓宮依故事行埋重虞祭祔廟之禮其合行典禮令禮部太常寺討論申尚書省今先次討論到下項 一祔廟日依禮例合行自別廟造還顯恭皇后神主赴太廟南神門外帷次以俟同時升祔徽宗室於顯肅皇后之上奉安 一將來祔廟日於虞主前奏請神主訖其虞主依故事合於太廟本室殿後瘞埋今來太廟係行在權行奉安兼昨昭慈聖獻

皇后虞主見在本廟權行收奉俟將來迎奉太廟回京  
日依故事施行 一見今几筵殿收奉聖文仁德顯孝  
皇帝顯肅皇后謚冊寶謚將來神主祔廟日依禮例合  
於虞主前陳列至太廟今乞令几筵殿幹辦官隨從至  
太廟交割收管其合差職掌援衛照管下禮部量人數  
差 一祔廟前二日依禮例奏告天地宗廟社稷宮觀  
今欲乞依上件禮例施行 一祔廟日并九虞祭卒哭  
祭依禮例各用牲牢禮料等乞令太常寺具合用數報  
建康府排辦 一祔廟合前十日於尚書省受誓戒內  
三獻官乞降勅差宗室充其餘所差行事執事官乞依  
見今祀祭禮例令太常寺申關所屬差官 一太廟南  
神門外合設安奉虞主幃乞下儀鸞司同建康府計會

排辦 一合差題虞主官一員依故事係差翰林學士  
乞降勅差 一合差扶侍夾侍內謁者等官乞從太常  
寺具合差員數關報入內內侍省差 一祔廟日辰據  
太史局供選到宜用十二月十日丁卯時用其日丁時  
吉詔依

十三日禮部太常寺言聖文仁德顯孝皇帝顯肅皇后  
神主祔廟合差禮儀使一員依禮例係差宰臣詔依

十九日禮部太常寺言聖文仁德顯孝皇帝顯肅皇后  
祔廟前二日奏告天地宗廟社稷宮觀今參酌比祔到

合行事件下項 一合用御封降真香一十七合祝文  
一十五首青詞二首

並送以聖文仁德顯孝皇帝顯肅皇后神主祔廟前二日  
奏告幣帛一十七段

內各幣三黃幣一白幣一十一名幣二

一奏告天地

社稷合用神位版并鋪設學生乞下太史局排辦差撥

一奏告天地差宰執前一日宿於本省 一奏告太

社太稷天慶觀報恩光孝觀各乞差侍從官並前一日宿于本司 一奏告宗廟乞差行在南班宗室 一逐

處合用鹿脯鹿鷄蠟燭鶯梨香爐炭火神席藉祭器席

縮酒茅燎草等乞下建康府排辦 一奏告逐殿合差

奉禮郎太祝太官令各一員

內太祝差文臣有出身人充

並前一日

絕早赴祠所致齋欲乞並下建康府差官詔依

二十三日禮部太常寺言已降指揮十二月十日神主

祔廟今檢照故事參酌申請下項 一檢會治平四年

英宗皇帝祔廟前一日皇帝齋于垂拱殿轉輔臣齋于

本廳百官于朝堂所有將來神主祔廟前一日皇帝齋

于內殿宰執齋于本廳百官齋于本司及乞依四孟朝  
獻致齋禮例治事如故唯不判刑殺文書 一將來迎  
重日并虞主回日神主祔廟日並合作休務假詔依  
二十五日禮部太常寺言聖文仁德顯孝皇帝顯肅皇  
后神主祔廟百僚所服已降指揮俟祔畢並純吉所有  
禁衛等并執打從物未有純吉指揮今欲比附前項禮  
例俟祔廟日其禁衛等所服并從物輦輿等並合純吉  
詔依

二十六日禮部太常寺言神主祔廟依故事是日合行  
寧神禮次前導奉辭虞主今比附到合行事件 一行  
寧神禮虞主前合用香爐匙合上香炭火等並令祔廟  
都大主管官報所屬排辦 一檢會國朝故事神主祔

廟日應南班宗室正任已上騎導虞主詣太廟俟時行禮所有太廟門欲乞依常日早三刻開放致齋官并祇應人出赴行宮門外以俟騎導 一祔廟日文武百僚詣常御殿門外進名奉慰其行宮亦合進表奉慰 一合用白幣一十一段 一祔廟合用文武百官服吉服陪位立班欲乞下御史臺閣門施行其幕次令建康府同儀鸞司排辦詔依

二十八日太常寺言檢會已降指揮百官候祔廟畢純吉服今來已選用十二月十日祔廟其百官合服吉服緣即今皇帝御殿視事見服淡黃袍黑帶竊慮百官已服皇帝尚服淡黃袍黑帶於禮非宜欲乞候祔廟畢皇帝視事日令有司供進純吉服於宮中即依元降詔旨



終三年之制詔禍變非常方深追慕所請易服純吉雖  
在外朝情實不安并儀衛物從等可並依舊

二十九日閤門言十二月十日奉辭虞主祔廟欲乞十  
一月特作歇泊假一日詔依

十一月空日翰林學士知制誥朱震宮奉勅差臣充題  
虞主神主官按後漢禮儀志桑木主尺二寸不書諡又  
按杜佑通典載唐元令儀注虞祭之禮止言太祝捧主  
匱置於座啟匱於前捧出神主不言題諡祔廟之禮則  
曰饗前一日質明太祝以香湯浴栗主拭以羅巾題栗  
主官盥洗捧栗主就褥題主墨書訖以光漆重摸之則  
是唐制唯題栗主亦不題虞主也本朝仁宗皇帝上仙  
尚書祠部員外郎直祕閣呂夏卿奏請虞主不題諡詔

兩制及侍制以上官禮與官會議翰林院學士承旨孫  
朴等奏乞如夏卿所奏從之今臣欲乞依漢唐及仁宗  
山陵故事虞主更不題諡候祔廟前期一日恭依勅命  
書題神主詔恭依

十二月九日閣門言已降指揮臣僚舞蹈候祔廟畢依  
儀制今准省劄節文百官純吉日依儀制詔依  
僚舞蹈欲乞隨百官純吉日依儀制詔依

### 迎重儀

其日俟宰執率百僚詣几筵殿燒香畢退禮儀太常卿  
權歸幕次俟時將至僧道親從禁衛執打從物等於几  
筵殿門排立定次引太常卿詣聖文仁德顯孝皇帝几  
筵殿重前立禮直官贊拜太常卿再拜訖稍前三上香

畢請拜訖次引太常卿詣顯肅皇后几筵殿重前行禮  
並如上儀訖退立於几筵殿下西向立俟時報及几筵  
殿幹辦官率工匠開塲次尅擇官抗重升綵殿訖都大  
主管官往來照管俟重出殿門太常卿騎導禮儀使都  
大主管官幹辦虞主官後從至報恩光孝觀下馬導從  
至殿下尅擇官抗重降綵殿捧詣殿上神帷權行安奉  
訖禮儀使已下權退歸幕次以俟主虞行禮

埋重立虞儀

其日俟埋重時將至有司排辦畢扶持侍官捧聖文  
仁德顯孝皇帝顯肅皇后虞主腰輿詣逐帷前置定引  
禮儀使詣帷前稍西東向立次引內常侍捧逐位虞主  
詣浴斛浴拭訖內侍捧逐位虞主升腰輿訖次引禮

儀使詣聖文仁德顯孝皇帝神帷前北向俛伏跪奏禮  
儀使某官臣某言請聖文仁德顯孝皇帝靈上虞主訖  
俛伏興次詣顯肅皇后神帷前北向俛伏跪奏禮儀使  
某官臣某言請顯肅皇后神靈上虞主訖俛伏興退位  
內侍以匱覆之次扶侍扶官侍捧腰輿詣神帷內置定  
內謁者捧虞主置於座訖禮儀使已下退幹辦官率工  
匠尅擇官抗重埋于本觀利方訖次太常卿行第一虞  
祭

### 太常卿行九虞祭儀

有司排設牲牢禮饌訖行事官各服黑帶贊者引奉禮  
郎太祝太官令詣虞主帷前北向立禮直官引太常卿  
詣帷前西向立禮直官贊躬拜太常卿拜在位官皆再

拜訖次引奉禮郎以下升就位立引太常卿詣盥洗位  
搯笏盥手帨手執笏詣爵洗位搯笏洗爵拭爵執笏升  
殿詣酒尊所搯笏跪執爵俟太官令酌酒訖執笏興引  
太常卿詣聖文仁德顯孝皇帝虞主前搯笏跪上香再  
上香三上香受幣執爵三祭酒奠爵執笏俛伏興請少  
立俟太祝讀祝文訖請再拜次詣顯肅皇后虞主前行  
禮如上儀訖引降階復位禮直官贊躬拜太常卿拜在  
位官皆再拜訖引詣望瘞位南向立奉禮郎以下重行  
俟焚瘞祝幣訖班退

每行虞祭禮如上儀

### 宰執率文武百僚奉迎虞主儀

其日俟虞主将至虞史臺太常寺問門分引宰執文武  
百僚詣行宮門外香案之北南向立定俟虞主至禮直

官揖躬拜班首已下再拜訖引班首詣香案前拈笏上香再上香三上香訖執笏退復位立禮直官揖班首已下再拜訖分東西相向立俟虞主過班退

奉迎虞主行安神之禮儀

其日禮儀使詣聖文仁德顯孝皇帝顯肅皇后虞主殿下北向再拜訖詣逐位香案前拈笏上香再上香三上香執笏降復位再拜訖升殿少立俟僧道禁衛等排立定禮直官引內謁者詣聖文仁德顯孝皇帝虞主前俛伏跪奏稱內謁者臣某言請虞主降座升輿奏訖俛伏興次詣顯肅皇后虞主前奏請升輿並如上儀訖內侍捧遷虞主升腰輿內謁者虞主前俛伏跪奏稱內謁者臣某言請虞主進行俛伏興退禮儀使後從俟虞主將

至行宮門皇帝自內服履袍歸御幄禮直官太常博士  
太常卿於幄前立俟虞主將至几筵殿門禮直官引內  
謁者詣虞主與前俛伏跪奏稱內謁者臣某言請虞主  
少駐降輿升腰輿奏訖俛伏興少退內侍詣輿捧遷聖  
文仁德顯孝皇帝顯肅皇后虞主腰輿訖禮直官引內  
謁者詣虞主前俛伏跪奏稱內謁者臣某言請虞主進  
行奏訖俛伏興退禮儀使退詣常御殿門奉慰立班次  
扶持夾侍腰輿將至殿門禮直官太常博士引太常卿  
當幄前俛伏跪奏稱太常卿臣某言請皇帝奉迎虞主  
行安神燒香之禮奏訖俛伏興簾捲前導官前導皇帝  
出幄詣殿門內奉迎虞主升殿至殿上權駐前導官前  
導皇帝至殿上少立內謁者詣遜位與前俛伏跪奏稱

內謁者臣某言請虞主降輿升座權行安奉奏訖俛伏興退內侍捧虞主升座啟匱于後以巾覆之訖前導皇帝詣聖文仁德顯孝皇帝几筵殿下褥位西向立奏請皇帝拜皇帝再拜訖前導官前導皇帝升殿詣聖文仁德顯孝皇帝虞主香案前奏請皇帝上香再上香三上香又奏請拜皇帝再拜訖前導皇帝詣顯肅皇后几筵殿虞主前行禮如上儀訖前導官前導皇帝歸御簾降禮直官太常博士引太常卿當幄前俛伏跪奏稱太常卿臣某言禮畢奏訖俛伏興前導官退皇帝還內如來儀

### 皇帝行卒哭祭儀

其日俟有司實設禮料畢皇帝自內服素紗軟脚折上



中淺黃袍黑銀帶歸御帳易履袍禮直官引進幣爵酒  
官詣聖文仁德顯孝皇帝虞主香案之東西向立請祝  
文官詣香案之西東向立的爵酒官於殿上酒尊之後北  
向立定禮直官太常博士引太常卿當帳前俛伏跪奏  
稱太常卿臣某言請皇帝行卒哭之祭奏訖俛伏興簾  
捲前導官前導皇帝出帳詣聖文仁德顯孝皇帝几筵  
殿下褥位西向立奏請拜皇帝再拜訖內侍捧槃匱又  
奏請皇帝盥手內侍沃水又奏請皇帝拭爵內侍進巾  
俟拭爵訖內侍捧爵詣聖文仁德顯孝皇帝虞主前酒  
尊所跪酌酒官搢笏跪酌酒訖執笏興內侍捧幣捧爵  
酒詣進幣爵酒官之後立前導官前導皇帝詣聖文仁  
德顯孝皇帝虞主香案前又奏請皇帝上香再上香三

上香進幣爵酒官西向搢笏跪先進幣次進爵酒又奏請皇帝跪受奠訖內侍取幣置于香案又奏請執爵三祭酒於茅奠爵進幣爵酒官受虛爵興以授內侍禮直官引進幣爵酒酌酒官先詣顯肅皇后几筵殿立定又奏請皇帝俛伏興少立讀祝文官東向搢笏跪讀祝文訖執笏興禮直官引讀祝文官詣顯肅皇后几筵殿香案之西東向立又奏請拜皇帝再拜訖前導官前導皇帝詣顯肅皇后几筵殿虞主前行禮並如上儀訖前導官前導皇帝還御帷簾降禮直官太常博士引太常卿當帷前俛伏跪奏稱太常卿臣某言禮畢奏訖俛伏興前導官退皇帝服履袍還內如來儀

皇帝行寧神并前導虞主及奉辭儀

其日皇帝自服內履袍乘輦至几筵殿門外降輦歸御  
帳禮直官太常博士太常卿於帳前立俟僧道親從禁  
衛執打從物等於殿門外排立定內侍啟虞主匱以巾  
覆訖禮直官太常博士引太常卿當帳前俛伏跪奏稱  
太常卿臣某言請皇帝行寧神奉辭之禮奏訖俛伏興  
復位簾捲前導官前導皇帝出帳詣聖文仁德顯皇帝  
几筵殿下褥位西向立奏請皇帝拜皇帝再拜訖前導  
官前導皇帝升殿詣聖文仁德顯孝皇帝虞主香案前  
奏請皇帝上香再上香三上香又奏請拜皇帝再拜訖  
前導前導皇帝詣顯肅皇后几筵殿虞主前行禮並如  
上儀訖前導皇帝詣几筵殿門上西向少立初皇帝詣  
遂殿燒香畢輦官擎輦輿詣聖文仁德顯孝皇帝几筵

殿下設定禮直官引內謁者詣逐殿虞主前奏稱內謁者臣某言請虞主降座升輿進發奏訖俛伏興少退內侍以匱覆虞主訖捧升腰輿扶侍夾侍昇腰輿詣殿下內侍捧虞主升輦輿安奉訖輦官擎腰輿進行前導官前導皇帝導虞主進行至行宮門外前導官前導皇帝詣褥位西向立虞主少駐俟有司陳香案畢前導官前導皇帝詣虞主香案前北向奏請皇帝拜皇帝再拜訖又奏請皇帝上香再上香三上香又奏請拜皇帝再拜訖前導官前導皇帝歸御恆簾降禮直官太常博士引太常卿當恆前俛伏跪奏稱太常卿臣某言禮畢奏訖俛伏興前導官退輦官擎虞主輦輿進行皇帝乘輦還內如來儀

神主祔廟儀

祔饗前一日

其日祔饗行事執事官並服吉服詣太廟奉安所齋坊  
幕次俟行事官齊足詣初獻廳下對揖訖升階收笏就  
坐點茶畢請執笏立俟太祝習讀祝文訖收笏就坐點  
湯畢禮直官贊分引行事執事官詣東神門外省牲位  
立定禮直官贊揖訖次引監察御史詣諸室前北向視  
滌濯執事者皆舉帛曰潔降復位禮直官曰告潔畢請  
省牲次引太祝光祿丞巡牲訖退復位禮直官曰省牲  
畢請詣省饌位揖訖禮直官贊者分引行事執事官詣  
省饌位立定禮直官贊揖所司省饌俱畢禮直官贊揖  
訖退次引監察御史詣厨省鎖視滌漑退還齋所晡後

太官令率宰人以鸞刀割牲遂烹牲

晨裸

其日祔饗時前告遷顯恭皇后神主詣太廟南神門外  
幄次權行安奉以俟同時祔謁其行事官內合赴前導  
者守太廟門出赴行宮門外俟再拜訖前導虞主詣太  
廟樞星門外下馬步導禮儀使都大主管官前導官退  
歸幕次僧道先退禁衛更互排立宮闈令詣殿下再拜  
訖開室整拂神幄有司實設禮料太官令監視訖退次  
引光祿卿詣殿下褥位再拜訖升殿點閱畢次引監察  
御史升殿按視訖俱退還齋所並服祭服祔饗時前先  
引薦香燈官入詣殿下北向再拜訖升殿次御史臺太  
常寺閣門分引宰執使相百僚入詣殿庭分東西相向

立北上禮直官贊者分引祔饗行事官詣東神門外揖  
位立定祠祭官於殿上贊奉神主次引薦香燈官入室  
指笏奉帝主啟匱於後中以白匱中執笏退歸執事位次引  
宮闈令奉后主如上儀中以青匱中退歸執事位祠祭官於  
殿上贊奉神主訖祔饗時將至禮直官引禮儀使詣神  
主帷前稍南北向立次禮直官引都大主管官詣禮儀  
使之東北向立少却次引內常侍入帷指笏捧徽宗聖  
文仁德顯孝皇帝神主詣浴斛浴拭訖置于案次捧  
顯肅皇后神主詣浴斛浴拭訖置于案執笏退次引題  
神主官詣帷前盥洗位西向指笏盥手悅手執笏入帷  
詣徽宗聖文仁德顯孝皇帝神主案前題神主訖次詣  
顯肅皇后神主案前題神主訖執笏興退有司漆之次

引內常侍詣遜位神主案前搢笏捧主神各置于腰與

以巾覆之

帝以白巾  
后以青羅巾

訖執笏退引扶侍夾侍官捧腰

與官遜位神主腰與次于虞主腰與訖次引禮儀使詣

徽宗聖文仁德顯孝皇帝虞主前俛伏跪奏稱禮儀使

具位臣某言請徽宗聖文仁德顯孝皇帝靈上神主奏

訖俛伏興次詣顯肅皇后虞主前俛伏跪奏稱禮儀使

具官臣某言請顯肅皇后神靈上神主奏訖俛伏興退

復位立俟太史局報時及禮直官引內謁者詣于神主

帷前西向俛伏跪奏稱內謁者臣某言請徽宗聖文仁

德顯孝皇帝顯恭皇后顯肅皇后神主進行奏訖俛伏

興次詣帝后神主腰與前取巾以匱覆訖次贊者引扶

侍捧腰與內侍詣帷捧腰與進行內謁者前導禮直官



引禮儀使都大主管官從後入南神正門詣泰階下北向禁衛退御史臺太常寺閤門分引宰執使相文武百僚合班北向立定次內謁者詣殿下褥位東向俛伏跪奏稱內謁者臣某言請徽宗聖文仁德顯孝皇帝顯恭皇后顯肅皇后神主少駐俛伏興少退立禮直官引都大主管官先退次禮直官引禮儀使升自泰階詣殿上當中褥位北向俛伏跪奏稱禮儀使具官臣某言徽宗聖文仁德顯孝皇帝顯恭皇后顯肅皇后神主附謁奏訖俛伏興退歸本班次引闌宮令詣殿下帝后神主腰輿前指笏捧帝后神主升自泰階詣殿上當中褥位北向權設于座訖昇腰輿內侍捧腰輿并扶持夾侍官先退宮闌令啟徽宗聖文仁德顯孝皇帝神主匱設于後

寶彝堂

次奉顯恭皇后顯肅皇后神主如上儀以青羅復之

宮闈令出笏少立俟祔謁訖宮闈令再搢笏跪捧徽宗聖文仁德顯孝皇帝顯恭皇后顯肅皇后神主興詣熾宗室置于座執事者捧帝后神匱設于座後禮直官贊有司謹具請行事贊者曰拜在位官皆再拜訖次引監察御史奉禮郎太祝太官令各升殿就位立定次禮直官引初獻詣盥洗位北向立搢笏盥手悅手執笏詣爵洗位北向立搢笏洗瓚訖以瓚授執事者執笏升殿詣僖祖室尊彝所西向立執事者以瓚授初獻初獻搢笏跪執瓚執彝者舉帛太官令酌鬱鬯訖先詣翼祖室尊彝所北向立初獻以瓚授執事者執笏興詣僖祖室向立搢笏跪次奉禮郎搢笏西向跪執事以瓚授奉禮郎

奉禮郎奉瓚授初獻初獻執瓚以鬯裸地奠訖次執事者以幣授奉禮郎奉禮郎奉幣以授初獻訖執笏興先詣翼祖室神位前西向立初獻受幣奠訖執笏俛伏興再拜訖次詣翼祖室次詣宣祖室次詣太祖室次詣太宗室次詣真宗室次詣仁宗室次詣英宗室次詣神宗室次詣哲宗室次詣徽宗室裸鬯奠幣並如上儀訖俱復位既晨裸薦香燈官取毛血奠於神座前太官令令取肝以鬻刀制之洗於鬯鬯貫之以骨燎于爐炭薦香燈官以肝骨詔於神座又以墮祭三祭于茅苴退復位

### 饋食

饗日有司設俎二十二于神厨各在饌右進饌者詣厨於饌實羊載于俎

肩臂脇肱肱正脊一肱脊一長脊一短脊一代脊一皆二骨以並

豕載于俎

豕熟如羊

執事者入設于饌幔內俟初獻

既升晨裸捧俎官及執事者捧俎入詣西階下次引兵

部尚書工部尚書詣西階下各指笏捧俎升殿詣僖祖

室前北向跪奠訖先薦羊次薦豕執笏伏興有司設

置于位前次詣諸室奉俎如上儀俱降復位初奠俎訖

次引薦香燈官取蕭合黍稷拂於脂爍于爐炭當饋熟

之時薦香燈官取菹摶于醢祭于豆間三尺取黍稷肺

祭如初俱藉以茅退復位次引初獻再詣盥洗位北向

立搢笏盥手悅手執笏詣爵洗位北向立搢笏洗爵拭

爵訖以爵授執事者執笏升殿詣僖祖室酌尊所西向

立執事者以爵授初獻執尊者舉罍太官令酌酒訖先

詣翼祖室酌尊所北向立初獻以爵授執事者執笏興

詣僖祖室北向立搢笏跪執爵三祭酒于茅苴奠爵執  
笏俛伏興少立次太祝東向搢笏跪讀祝文訖執笏興  
先詣翼祖室東向立初獻再拜次詣諸室行禮並如上  
儀訖俱復位立次引亞獻詣盥洗位北向立搢笏洗盥  
手悅手執笏詣爵洗位北向立搢笏洗爵拭爵訖以爵  
授執事者執笏升殿詣僖祖室酌尊所西向立執事者  
以爵授亞獻搢笏跪執爵執尊者舉畢太官令酌酒訖  
先詣翼祖室酌尊所北向立亞獻以爵授執事者亞獻  
執笏興詣僖祖室北向立搢笏跪執事者以爵授亞獻  
亞獻執爵三祭酒于茅苴奠爵執笏俛伏興再拜訖次  
詣諸室行禮並如上儀訖降復位次引終獻詣洗及升  
殿行禮並如亞獻之儀降復位次引太祝徹籩豆

各一豆

故俱處少移

次引宮闈令束茅訖俱復位禮直官曰賜胙贊  
者曰賜胙再拜在位官皆再拜訖祠祭官於殿上贊奉  
神主入室次引薦香燈官指笏奉帝主入室執笏退復  
位次引宮闈令奉后主入室並如上儀訖退復位祠祭  
官於殿上贊奉神主入室訖次引初獻已下詣殿下望  
瘞位立定有司取幣束茅置于坎禮直官曰可瘞置土  
半坎本廟宮闈令監視次引初獻已下詣東神門揖位  
立定禮直官贊禮畢揖訖退御史臺太常寺閤門分引  
百僚以次退太官令帥其屬徹禮饌次引監察御史詣  
殿上復位監視收徹訖還齋所宮闈令閤戶以降太常  
藏祝版于匱